

NADAL A VENEXIA

La zente sospetosa scanocia verso el sielo
e dentro za ghe spissa ricordi da putelo,
finquando uno no' ziga: "La vedo, la vedo, la riva!
Lo giuro, so sicuro, go' visto 'na faliva!"

Se puza el primo fioco, po' st' altri monta sora
e tuto xe coverto prima che passa 'n ora.
Le porcherie riposa soto un niziol da leto
e 'i alberi e 'i giardini li xe tuti un merleto,

le gondole nel stazio se strenze fianco a fianco,
par tante muneghete vestie de nero e bianco.
Un vecio co' i pie dolci vien vanti sbrissolando:
la xe come 'na danza balada bestemando,

ma ai fioi vissin che zoga el tempo par svolarghe:
'i se diverte tanto e no' i voria molarghe
ch'el fredo xe 'n amigo e no'l fa mai del mal
se nevega a Venexia nel zorno de Nadal.